

Psalmus 6 Domine ne in furore tuo arguas me : Miserere

Vulgata

- [a 5] Domine ne in furore tuo arguas me neque in ira tua corripas me.
- [a 5] Miserere mei Domine quoniam infirmus sum: sana me Domine quoniam conturbata sunt ossa mea.
- [a 3] Et anima mea turbata est. Valde, sed tu Domine usquequo.
- [a 4] Convertere Domine, et eripe animam meam: salvum me fac propter misericordiam tuam.
- [a 5] Quoniam non est in morte, qui memor sit tui: in inferno autem quis confitebitur tibi?
- [a 5] Laboravi in gemitu meo, lavabo per singulas noctes lectum meum: lacrymis meis stratum meum rigabo.
- [a 5] Turbatus est a furore oculus meus: inveteravi inter omnes inimicos meos.
- [a 2] Discedite a me omnes, qui operamini iniquitatem: quoniam exaudivit Dominus vocem fletus mei.
- [a 4] Exaudivit Dominus deprecationem meam: Dominus orationem meam suscepit.
- [a 5] Erubescant, et conturbentur vehementer omnes inimici mei: convertantur et erubescant valde velociter.
- [a 5] Gloria Patri, et Filio, et Spiritui Sancto
- [a 6] Sicut erat in principio, et nunc et semper: et in saecula saeculorum. Amen.

Psalm 102/101 Domine exaudi orationem meam et clamor

Vulgata (101)

- [a 5] Domine exaudi orationem meam: et clamor meus ad te veniat.
- [a 2] Non avertas faciem tuam a me: in quacumque die tribulor, inclina ad me aurem tuam.
- [a 3] In quacumque die invocavero te: velociter exaudi me.
- [a 4] Quia defecerunt sicut fumus dies mei: et ossa mea sicut gremium aruerunt.
- [a 5] Percussus sum, ut faenum, et aruit cor meum: quia oblitus sum comedere panem meum.
- [a 5] A voce gemitus mei: adhaesit os meum carni meae.
- [a 5] Similis factus sum pellicano solitudinis: factus sum sicut nycticorax in domicilio.
- [a 5] Vigilavi: et factus sum sicut passer solitarius in tecto.
- [a 2] Tota die exprobrabant mihi inimici mei: et qui laudabant me, adversum me iurabant.
- [a 5] Quia cinerem tamquam panem manducabam: et potum meum cum fletu miscebam.
- [a 5] A facie irae et indignationis tuae: quia elevans allisisti me.

- [a 5] Dies mei sicut umbra declinaverunt: et ego sicut foenum arui.
- [a 5] Tu autem Domine in aeternum permanes: et memoriale tuum in generatione et generationem.
- [a 3] Tu exurgens misereberis Sion: quia tempus miserendi eius, quia venit tempus.
- [a 5] Quoniam placuerunt servis tuis lapides eius: et terrae eius miserebuntur.
- [a 5] Et timebunt gentes nomen tuum Domine: et omnes reges terrae gloriam tuam.
- [a 5] Quia aedificavit Dominus Sion: et videbitur in gloria sua.
- [a 5] Respexit in orationem humilium: et non sprexit precem eorum.
- [a 2] Scribantur haec in generatione altera et populus qui creabitur, laudabit Dominum.
- [a 5] Quia prospexit de excelso sancto suo: Dominus de caelo in terram aspexit.
- [a 5] Ut audiret gemitum conpeditorum: ut solveret filios interemptorum.
- [a 5] Ut annuncient in Sion nomen Domini: et laudem eius in Hierusalem.
- [a5] In conveniendo populos in unum: et reges ut serviant Domino.
- [a 5] Respondit ei in via virtutis suae: paucitatem dierum meorum nuntia mihi.
- [a 4] Ne revoces me in dimidio dierum meorum: in generatione et generationem anni tui.
- [a 5] Initio tu Domine terram fundasti: et opera manuum tuarum sunt caeli.
- [a 5] Ipsi peribunt, tu autem permanes: et omnes sicut vestimentum veterescent.
- [a 5] Et sicut opertorium mutabis eos et mutabuntur: tu autem idem ipse es, et anni tui non deficient.
- [a 5] Filii servorum tuorum habitabunt: et semen eorum in saeculum dirigetur.
- [a 5] Gloria Patri, et Filio, et Spiritui Sancto
- [a 6] Sicut erat in principio, et nunc et semper: et in saecula saeculorum. Amen.

Psalm 143/142 Domine exaudi orationem meam auribus precipe

Vulgata (142)

- [a 5] Domine, exaudi orationem meam auribus percipe obsecrationem meam: in veritate tua, exaudi me in tua iustitia.
- [a 5] Et non intres in iudicium cum servo tuo: quia non iustificabitur in conspectu tuo omnis vivens.
- [a 3] Quia persecutus est inimicus animam meam: humiliavit in terra vitam meam
- [a 5] Collocavit me in obscuris sicut mortuos saeculi: et anxius est super me spiritus meus, in me turbatum est cor meum.

- [a 5] Memor fui dierum antiquorum meditatus sum in omnibus operibus tuis: et in factis manuum tuarum meditabar.
- [a 2] Expandi manus meas ad te: anima mea sicut terra sine aqua tibi.
- [a 5] Velociter exaudi me Domine: defecit spiritus meus
- [a 5] Non avertas faciem tuam a me: et similis ero descendentibus in lacum.
- [a 5] Auditam fac mihi mane misericordiam tuam: quia in te speravi
- [a 5] Notam fac mihi viam, in qua ambulem: quia ad te levavi animam meam.
- [a 3] Eripe me de inimicis meis, Domine ad te confugi: doce me facere voluntatem tuam, quia Deus meus es tu.
- [a 4] Spiritus tuus bonus deducet me in terram rectam: propter nomen tuum Domine vivificabis me in aequitate tua
- [a 5] Educes de tribulatione animam meam: et in misericordia tua disperdes inimicos meos
- [a 5] Et perdes omnes, qui tribulant animam meam: quoniam ego servus tuus sum.
- [a 5] Gloria Patri, et Filio, et Spiritui Sancto
- [a 6] Sicut erat in principio, et nunc et semper: et in saecula saeculorum. Amen.